

- » nga tshifhinga tsha u shela mulenzhe kha mishumo miñwe na miñwe ya vhurerele kana ya mvelele, mitambo i re mulayoni kana vhuḍimvumvusi
- » **u kuvhanganya, u țana zwihali lwa mulayo**

Ndi vhuḥfio vhuimo fhethu ho kuvhanganiwaho ha nnyi na nnyi?

U ya nga Ndangulo ya Mulayo wa u Kuvhanganya, wa 1993 (Mulayo wa Nomboro 205 wa 1993) sa wo khwiñiswaho nga Mulayo wa Zwihali zwi re Khombo, wa 2013, a huna muthu ho kuvhangana ho kana hu re na mugwalabo sa zwo țalutshedzwaho nga Ndangulo ya Mulayo wa u Kuvhanganya, wa, 1993, a re na

- » tshihali tshi re khombo tshiñwe na tshiñwe
- » tshigidi
- » tshithu tshiñwe na tshiñwe tshine tsha fana na tshigidi tshine muthu a nga tshi dzhia sa tshigidi.

Ndi mulandu wa vhutshinyi u vha na tshiñwe tsha zwithu izwi fhethu ho kuvhanganiwaho. U pfukwa ha Mulayo kha haya mafhungo ndi ndațiso ya u valelwa dzhele tshifhinga tshi sa fhiri miñwaha miraru.

**Visit the SAPS website
for more information:
www.saps.gov.za**

**SAPS Emergency Line:
10111**

**SAPS Crime Stop /
Tip Off:
08600 10111**

**Call Centre for Service
Delivery Complaints:
0800333177**



www.saps.gov.za

DANGEROUS WEAPONS ACT

**MULAYO WA NOMBORO 15
WA 2013**



Ndayotewa ya Afrika Tshipembe, ya 1996, i netshedza muthu muñwe na muñwe ppanelo ya u vhofoholowa kha khakhathi dzothe na u khwaṭhisedza uri muthu muñwe na muñwe u na ppanelo, ya mulalo hu sina zwiṭhavhane, u kuvhangana, u gwalaba, u phikhetha kana u nea phethishini.

U itela u langula na u netshedza huñwe u thivhela zwi tshi elana na u vha na zwihali zwi re khombo, Mulayo zwa Zwihali zwi re Khombo, wa 2013 (Mulayo wa Nomboro 15 wa 2013) wo divhadzwa nga Muvhuso u tevhedza zwine Ndayotewa ya amba zwone. Mulayo zwa Zwihali zwi re Khombo, wa 2013 u khantsela Mulayo wa zwihali zwi re Khombo u ne wa khou shuma kha Riphabuḽiki ya Afrika Tshipembe sa izwi wo bveledzwa phanda ha la 27 Lambamai 1994, na kha mashangohaya Transkei, Venda, Ciskei na Bophuthatswana, ndi Mulayo muthihi une wa langula zwihali zwi re khombo u fana kha Riphabuḽiki ya Afrika Tshipembe yothe.

Tshihali tshi re khombo ndi mini?

Khethekanyo ya 1 ya Mulayo wa Zwihali zwi re Khombo, wa 2013 (Mulayo wa Nomboro 15 wa 2013) u ṭalutshedza **tshihali tshi re khombo** sa -

- » tshishumiswa tshiñwe na tshiñwe nga nṇani ha tshigidi, tshine tsha nga vhanga lufu kana u vhanga u huvhadzwa muvhili nga huhulu, arali tsha shumiselwa zwithu zwi siho mulayoni.

Ndi lini zwi songo tendelwaho u vha na tshi/zwihali zwi re khombo u ya nga Mulayo?

Khethekanyo ya 3 (1) ya Mulayo i bula zwauri :

- » Muthu muñwe na muñwe a re na tshihali tshi re khombo tshine tsha nga ḽisa kuhumbulele ku pfadzaho uri muthu o ḽiimisela u shumisa tshihali tshi re khombo u ita zwithu zwi siho mulayoni, u na mulandu wa vhutshinyi u tea u gwevhiwa a newa ndaṭiso kana a valelwa dzhele tshifhinga tshi sa fhiri miñwaha miraru.

- » **Ndi zwifhio zwiṭaluli zwine zwa kwaṭhisedza arali muthu o ḽiimisela u shumisa tshithu sa tshihali tsha khombo u tshi shumisela zwithu zwi siho mulayoni?**

Khethekanyo ya 3 (2) i sumbedzisa zwi khagala uri zwiṭaluli izwi zwi katela fhedzi a zwi gumi kha:

- » fhethu na tshifhinga he muthu a wanala hone vhudifari ha muthu, hu tshi katelwa u shushedza huñwe na huñwe
- » nḽila ye tshihali tsha farwa kana u ṭanwa ngayo
- » arali tshithu tshi fhethu hune ha rengiswa zwidzidzivhadzi, lugwada kana vhutshinyi ho tou dzudzanywaho kana mishumo miñwe na miñwe ya vhutshinyi
- » zwiñwe zwiṭaluli zwo teaho, hu tshi katelwa ṭhalutshedzo iñwe na iñwe ine muthu a nga tama u i netshedza nga ha u vha hawe na tshihali.

Ndi nyito dzifhio dzine dza sa vhe u pfuka Mulayo wa Zwihali zwi re Khombo, wa 2013 (Mulayo wa Nomboro 15 wa 2013)?

U ya nga Khethekanyo ya 2 ya Mulayo wo bulwaho, mu/vhathu vha nga si fariwe na u hweswa mulandu arali vha wanwa vha na zwithu zwi re khombo kha nyimele dzi tevhelaho:-

- » vhe mushumoni we vha tholelwa wone, vha tshi khou shuma